



SLUŽBENE NOVINE OPĆINE ZENICA

GODINA XXXV
Broj 3/2009

Četvrtak 02.07.2009. godine

ISSN 1840-4588

VIJEĆE OPĆINE

28.

Na osnovu člana 22.t.19. Statuta općine Zenica („Sl. nov. općine Zenica“, br. 4/08), a u skladu sa članom 61. Zakona o ustanovama („Sl. list R BiH“, br. 6/92 i 8/93), Vijeće općine Zenica na svojoj osmoj sjednici održanoj 27. maja 2009. godine, donosi

ODLUKU o izmjeni Odluke o zadržavanju prava osnivača JU „Dom-porodica“ u Zenici

Član 1.

Ovom Odlukom vrši se usklađivanje djelatnosti JU „Dom-porodica“ Zenica sa Odlukom o klasifikaciji djelatnosti Bosne i Hercegovine („Sl. Glasnik BiH“, br. 84/06).

Član 2.

Član 4. Odluke o zadržavanju prava osnivača JU „Dom-porodica“ u Zenici („Sl. nov. Općine Zenica“, br. 7/95, 1/97, 1/98) mijenja se i glasi:

„JU „Dom-porodica“ će obavljati slijedeće djelatnosti:

- 85.310. Socijalna zaštita u ustanovama sa smještajem i obuhvata:
- organizaciju zaštite na osnovu cjelodnevnog boravka radi društvene brige o djeci,
- djelatnost sirotišta, dječijih domova i prihvatilišta,
- 85.312. Ostala socijalna zaštita o ustanovama sa smještajem.

JU „Dom-porodica“ Zenica obavljat će i druge djelatnosti određene Zakonom i Pravilima ustanove.

Član 3.

Na osnovu ove Odluke podnijeće se nadležnom sudu prijava za registraciju promjene podataka iz čl. 2. ove Odluke.

Član 4.

Ova Odluka stupa na snagu danom objavljivanja u „Službenim novinama općine Zenica“.

Broj:01-01-8958/09
Zenica, 27. 05. 2009. god.

***PREDSJEDAVAJUĆI
VIJEĆA OPĆINE ZENICA
Nebojša Nikolić***

29.

Na osnovu člana 22. tačka 11. i čl. 116. stav 2. Statuta općine Zenica („Službene novine općine Zenica“, broj 4/08), Vijeće općine Zenica na devetoj sjednici održanoj od 10.06.2009.godine, donijelo je

RJEŠENJE o dopuni Rješenja o utvrđivanju novih naziva ulica, bulevara, trgova i mostova

I.

U Rješenju o utvrđivanju novih naziva ulica, bulevara, trgova i mostova („Službene novine Općine Zenica“, br. 4/06-prečišćen tekst i 5/06) u tački III „NOVI NAZIV ULICE“ iza t. 101. dodaje se nova tačka 101a. koja glasi:

	NOVI NAZIV ULICE	OPIS
„101a.	Bollinger Street	Odvojak od ulice Bistua Nuova (naselje Dolača) do novoizgrađenog romskog naselja.

II.

Ovo Rješenje stupa na snagu danom objavljivanja u „Službenim novinama općine Zenica“.

Broj: 01-01-9588/09
Zenica, 10.juni 2009.godine

PREDSJEDAVAJUĆI
VIJEĆA OPĆINE ZENICA
Nebojša Nikolić

30.

Na osnovu člana 223. stav 1. Zakona o upravnom postupku («Službene novine Federacije BiH», broj: 2/98, 48/99) i člana 22. Statuta općine Zenica («Službene novine općine Zenica», broj: 4/08) Vijeće općine Zenica na devetoj sjednici održanoj 10. juna 2009 .godine, donijelo je

R j e š e n j e
o imenovanju drugostepene komisije
za rješavanje po žalbi protiv rješenja u
prvostepenom postupku

I.

Imenuje se Drugostepena komisija za rješavanje po žalbi protiv rješenja koja su donesena u prvostepenom upravnom postupku na osnovu Statuta općine Zenica ili propisa Vijeća općine Zenica u okviru isključivih prava i dužnosti općine, u slijedećem sastavu:

- 1.MEDARIĆ FATA, predsjednik,
- 2.ISAKOVIĆ AIDA, član
- 3.BOŠNJAK DANKA, član

II.

Drugostepena komisija iz člana I ovog Rješenja imenuje se na period od dvije godine.

III.

Za poslove navedene u članu I ovog Rješenja, članovima Komisije isplaćivače se mjesečna naknada.

Iznos naknade i način isplate regulisat će se posebnim aktom Načelnika općine.

IV.

Stupanjem na snagu ovog Rješenja prestaje da važi Rješenje broj: 01-05-15423/07 od 23.05.2007.godine («Službene novine općine Zenica», broj 5/07).

V.

Ovo Rješenje stupa na snagu danom donošenja i objavit će se u «Službenim novinama općine Zenica».

Broj: 01-01-9589/09
Zenica, 10. juni 2009.g.

PREDSJEDAVAJUĆI
VIJEĆA OPĆINE ZENICA
Nebojša Nikolić

31.

Na osnovu člana 22. Statuta općine Zenica („Službene novine općine Zenica“, broj 4/08) i člana 37. Poslovnika o radu Vijeća općine Zenica („Službene novine općine Zenica“, broj: 3/02-prečišćen tekst), Vijeće općine Zenica na devetoj sjednici održanoj 10. juna 2009.godine, donijelo je

R J E Š E N J E
o razrješenju člana Komisije za izbor i
imenovanja

I.

Željko Ljubanić, razrješava se dužnosti člana Komisije za izbor i imenovanja, zbog podnošenja ostavke na funkciju vijećnika u Vijeću općine Zenica.

II.

Ovo rješenje stupa na snagu danom donošenja i objaviće se u «Službenim novinama općine Zenica».

Broj: 01- 01-9587/09
Zenica,10. juni 2009.godine

PREDSJEDAVAJUĆI
VIJEĆA OPĆINE ZENICA
Nebojša Nikolić

32.

Na osnovu člana 22. Statuta općine Zenica („Službene novine općine Zenica“, broj 4/08) i člana 37. Poslovnika o radu Vijeća općine Zenica („Službene novine općine Zenica“, broj: 3/02-prečišćen tekst), Vijeće općine Zenica na devetoj sjednici održanoj 10. juna 2009.godine, donijelo je

R J E Š E N J E
o imenovanju člana Komisije za izbor i imenovanja

I.

Zdenko Kolak, imenuje se za člana Komisije za izbor i imenovanja.

II.

Ovo rješenje stupa na snagu danom donošenja i objavljuje se u «Službenim novinama općine Zenica».

Broj: 01-01-9585/09
Zenica, 10. juni 2009.godine

PREDSJEDAVAJUĆI
VIJEĆA OPĆINE ZENICA
Nebojša Nikolić

33.

Na osnovu člana 22. Statuta općine Zenica („Službene novine općine Zenica“, broj 4/08) i člana 37. Poslovnika o radu Vijeća općine Zenica („Službene novine općine Zenica“, broj: 3/02-prečišćen tekst), Vijeće općine Zenica na devetoj sjednici održanoj 10. juna 2009.godine, donijelo je

R J E Š E N J E
o razrješenju člana Komisije za socijalni rad i boračko-invalidsku zaštitu

I.

Željko Ljubanić, razrješava se dužnosti člana Komisije za socijalni rad i boračko-invalidsku zaštitu, zbog podnošenja ostavke na funkciju vijećnika u Vijeću općine Zenica.

II.

Ovo rješenje stupa na snagu danom donošenja i objavljuje se u «Službenim novinama općine Zenica».

Broj: 01-01-9586/09
Zenica, 10. juni 2009.godine

PREDSJEDAVAJUĆI
VIJEĆA OPĆINE ZENICA
Nebojša Nikolić

34.

Na osnovu člana 22. Statuta općine Zenica („Službene novine općine Zenica“, broj 4/08) i člana 37. Poslovnika o radu Vijeća općine Zenica („Službene novine općine Zenica“, broj: 3/02-prečišćen tekst), Vijeće općine Zenica na devetoj sjednici održanoj 10. juna 2009.godine, donijelo je

R J E Š E N J E
o imenovanju člana Komisije za socijalni rad i boračko-invalidsku zaštitu

I.

Zdenko Kolak, imenuje se za člana Komisije za socijalni rad i boračko-invalidsku zaštitu.

II.

Ovo rješenje stupa na snagu danom donošenja i objavljuje se u «Službenim novinama općine Zenica».

Broj: 01-01-9584/09
Zenica, 10. juni 2009.godine

PREDSJEDAVAJUĆI
VIJEĆA OPĆINE ZENICA
Nebojša Nikolić

35.

Na osnovu člana 22. Statuta Općine Zenica ("Službene novine Općine Zenica" broj: 4/08) i člana 51. Odluke o građevinskom zemljištu Općine Zenica ("Službene novine Općine Zenica" broj: 4/07-prečišćen tekst) Vijeće općine Zenica, na prijedlog Uprave za imovinsko- pravne, geodetske poslove i katastar nekretnina, na svojoj devetoj sjednici održanoj dana 10. juna 2009. godine donijelo je

R J E Š E N J E

o pretvaranju dijela javne površine u građevinsko zemljište

1. Odobrava se pretvaranje dijela javne površine, koja predstavlja sastavni dio parcele označene kao k.č. (n.p.) 1812 zv. Neđe Radića, ulica upisane kao DS-javni putevi, Zenica u p.l.-u 282 K.O. Zenica I u građevinsko zemljište površine 3 m² i parcele označene kao k.č. 863/5 zv. Bilino polje kuća i zgrada i dvorište upisane na ime Općina Zenica u p.l. 300 KO Zenica I u građevinsko zemljište površine 1m² i njihovo pripajanje parceli koja pripada već izgrađenom objektu koji se nalazi u ul. Fra Grge Martića br. 14. u Zenici izgrađenom na parceli označenoj kao k.č. (n.p.) 874 Bilino polje kuća i zgrada upisana u p.l. 301 K.O. Zenica I što po s.p. odgovara k.č. 689 Bilino polje kuća i zgrada KO Zenica grad.
2. Ovim Rješenjem dozvoljava se promjena oblika i površine gradskog građevinskog zemljišta u K.O. Zenica I po n.p., odnosno u K.O. Zenica grad po s.p., a na parcelama označenim u tački 1 dispozitiva ovog rješenja.
3. Uprava za imovinsko-pravne, geodetske poslove i katastar nekretnina će nakon stupanja na snagu ovog rješenja i dostavljenog prijavnog lista "B" S.P. 56/07 u katastarskom operatu provesti utvrđene promjene, kako bi se površina parcele k.č. (n.p.) 1812 iz p.l. 282 KO Zenica I upisana kao posjed DS-javni putevi Zenica u p.l.-u 574 K.O. Zenica II, umanjila za površinu od 3 m² i površina parcele 863/5 iz p.l. 301 KO Zenica I umanjila za 1m², a površina parcele k.č. (n.p.) 874 upisana u p.l. 574 K.O. Zenica II uvećala za 4 m² (dio površine predmetnog proširenja je ranije uplanjen) te tako uvećana parcela na kojoj je izgrađen objekat ima površinu od 550m².
4. Zemljišno knjižni ured Općinskog suda u Zenici će nakon stupanja na snagu ovog rješenja i dostavljanja prijavnog lista "A" provesti utvrđene promjene oblika i površina navedenih parcela iz prijavnog lista (zavedeni dostavljen ZK uredu pod red .br.304/07) te će se tako površina predmetnog proširenja upisati u zk ul. u kojem je upisan objekat izgrađen na k.č. 689

KO Zenica grad.

5. Rješenje stupa na snagu danom donošenja, a objavit će se u «Službenim novinama Općine Zenica».

O b r a z l o ž e n j e

Uprava za imovinsko- pravne, geodetske poslove i katastar nekretnina dostavila je Vijeću Općine Zenica prijedlog za donošenje rješenja o pretvaranju dijela javne površine u građevinsko zemljište na način kako je to utvrđeno dispozitivom ovog rješenja, uz napomenu da je prethodno Služba za prostorno uređenje donijela rješenje o urbanističkoj saglasnosti broj: 06-23-1070/06 od 19.06.2006. godine kojim je podnosiocu zahtjeva Muratović Mustafi, a prema utvrđenim urbanističko tehničkim uslovima, data mogućnost proširenja poslovnog prostora koji se nalazi u stambeno poslovnom objektu lociranom na parceli k.č. (n.p.) 874 upisana u p.l. 301 K.O. Zenica I što po s.p. odgovara k.č.699 K.O. Zenica grad i to u ukupnoj površini od 15,48 m².

Članom 5. Odluke o građevinskom zemljištu propisano je da Odluku o pretvaranju dijela javne površine u građevinsko zemljište, koje se pripaja zemljištu za redovnu upotrebu već izgrađenog objekta donosi Vijeće općine, a stavom 2. istog člana propisano je da Ugovor sa investitorom zaključuje Načelnik općine.

S obzirom na to da predmetno proširenje podrazumijeva zauzimanje i dijela javne površine koji je sastavni dio parcele opisane u tački 1. dispozitiva i koja se nalazi neposredno uz stambeno poslovni objekat u ul. Travnička br. 26, to je od Vijeća općine, a shodno odredbama člana 51. Odluke o građevinskom zemljištu Općine Zenica zatraženo pretvaranje tog dijela javne površine u građevinsko zemljište i pripajanje istog parceli postojećeg objekta, s tim što je zbog tehničke nemogućnosti provođenja decimalnih površina zemljišta u javnim knjigama predloženo zaokruživanje iste na 16 m².

Radi stvaranja uslova za zaključivanje Ugovora sa podnosiocem zahtjeva za proširenje poslovnog prostora, a polazeći od odredaba člana 49. i 51. Stav 2. Odluke o građevinskom zemljištu Općine Zenica, predloženo je donošenje ovog rješenja.

Cijeneći dostavljeni prijedlog opravdanim i u cjelosti usaglašenim s Odlukom o građevinskom zemljištu odlučeno je kao u izreci ovog rješenja.

Broj: 01-23-1070/06
Zenica, 10.06.2009. godine

**PREDSJEDAVALJUĆI VIJEĆA
OPĆINE ZENICA
Nebojša Nikolić**

NAČELNIK OPĆINE**36.**

Na osnovu člana 144. Odluke o komunalnom redu ("Službene novine općine Zenica", broj: 4/99) i člana 36. tačka 6. Statuta općine Zenica ("Službene novine općine Zenica", broj: 4/08), Načelnik općine Zenica donosi

NAREDBU

o sprovođenju preventivne sistematske deratizacije (proljetna faza) na području općine Zenica

Preventivna sistematska deratizacija (proljetna faza) na području općine Zenica provest će se u periodu od 28.05. do 08.06.2009. godine.

II.

Preventivnu sistematsku deratizaciju će organizovati i sprovesti Kantonalni zavod za javno zdravstvo Zenica uz angažovanje Higijensko-epidemiološke službe JU Dom zdravlja Zenica.

III.

Preventivnom sistematskom deratizacijom biće obuhvaćene slijedeće površine i objekti:

1. Javne i zelene površine u pojasu naselja sa koncentrisanim stanovništvom (gradska naselja),
2. Obale površinskih vodotoka u gradskim i prigradskim zonama,
3. Centralne deponije kao i nezvanična (neorganizovana) smetlišta u gradskim naseljima,
4. Vaspitno-obrazovni i kulturni objekti i njihovi prostori,
5. Kolektivni centri za smještaj i boravak izbjeglih i prognanih lica,
6. Objekti javnih zdravstvenih ustanova,
7. Javne ustanove administrativnog karaktera,
8. Individualne stambene zgrade u privatnom vlasništvu u užim zonama gradskih naselja,
9. Javni vodoopskrbni objekti,
10. Vjerski objekti i groblja,
11. Kanalizacione mreže sa šahtovima i izlivnim kolektorima,
12. Površine i poslovni prostori svih fizičkih, pravnih i ostalih lica uključujući sve vrste djelatnosti,
13. Stacionirani objekti i sredstva javnog saobraćaja,
14. Objekti za proizvodnju i promet, živežnih namirnica i predmeta opće upotrebe (korisnici i vlasnici istih)
15. Objekti za pružanje usluga javne higijene i
16. Zajednički prostori stambenih zgrada (podrumi i ta-

vani).

Troškove deratizacije pod rednim brojem 11, 12, 13, 14, 15. i 16. snose subjekti koji njima upravljaju, a za ostale navedene površine i objekte troškove deratizacije snosi Kanton i Općina.

IV.

Subjekti koji podliježu provođenju preventivne sistematske deratizacije dužni su obezbijediti nesmetan rad izvođačima bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije.

Kontrolu izvođenja akcije preventivne sistematske deratizacije na području općine Zenica će provoditi općinski sanitarni inspektor Fatima Tabak.

VI.

Naredba stupa na snagu danom donošenja, a objaviće se u "Službenim novinama općine Zenica" i putem sredstava informisanja.

Broj: 02- 37 -8089/09-1

Zenica, 19.05.2009. godine

NAČELNIK OPĆINE
Husejin Smajlović

37.

Na osnovu člana 36. tačka 6. Statuta općine Zenica („Službene novine općine Zenica“, broj 4/08), člana 15. i 16. Odluke o organizaciji općinske uprave («Službene novine općine Zenica», broj:3/02-prečišćen tekst), a u skladu sa članom 64. Odluke o organizaciji i sigurnosti saobraćaja na cestama («Službene novine općine Zenica», broj:8/08) Načelnik općine Zenica, donosi

R J E Š E N J E

o izmjenama Rješenja o formiranju Komisije za bezbjednost saobraćaja

I.

U Rješenju o formiranju Komisije za bezbjednost saobraćaja broj: 02-05-27182/07 od 13. novembra 2007. godine («Službene novine općine Zenica», broj:8/07) u članu I stav1. mijenjaju se članovi Komisije pod tačkama 5. i 6. tako da iste glase:

5. Admir Gazić, Načelnik PU I Zenica,
6. Pašanbegović Džemal, Pomoćnik komandira za saobraćaj.»

II.

Dosadašnji članovi Komisije, Mirsad Pehadžić i Robert Botić, razrješavaju se dužnosti članova Komisije za bezbjednost saobraćaja, zbog odlaska na druge poslove i zadatke.

III.

Ovo rješenje stupa na snagu danom donošenja i objaviće se u «Službenim novinama općine Zenica».

Broj: 02-05-9328/09
Zenica, 9. juni 2009. godine

NAČELNIK OPĆINE
Husejin Smajlović

38.

Na osnovu člana 36. i 117. Statuta općine Zenica ("Službene novine općine Zenica" broj: 4/08) člana 16. Odluke o organizaciji općinske uprave ("Službene novine općine Zenica" broj: 3/02) i člana 15. Odluke o izvršavanju Budžeta općine Zenica za 2009.g. ("Službene novine općine Zenica" broj: 1/09), na prijedlog Službe za budžet i finansije i Stručne službe Vijeća i Načelnika, Načelnik općine Zenica, donosi

Zaključak o odobravanju sredstava iz tekuće budžetske rezerve

I.

Odobravaju se sredstva u iznosu od 15.000,00 KM na ime uplate osnivačkog uloga Društvu za proizvodnju, trgovinu, usluge i zastupanje "KTG" Zenica d.o.o. Zenica.

II.

Sredstva iz tačke I Zaključka odobravaju se iz Budžeta općine Zenica za 2009.g. - "Tekuća budžetska rezerva", a za odobreni iznos sredstava otvara se nova pozicija u Razdjelu 11 potrošačka jedinica 111 - Načelnik općine-ekonomski kod 821500-19 A «Nabavka stalnih sredstava u obliku prava», i ista će se uplatiti na račun broj: 161-055-0000000032 partija 665500001-3 otvoren kod Raiffesisen bank Zenica.

Za realizaciju Zaključka zadužuju se: Služba za budžet i finansije i Stručna služba Vijeća i Načelnika.

IV.

Ovaj Zaključak stupa na snagu danom donošenja, a objaviće se u «Službenim novinama Općine Zenica».

Broj: 02- 14-9185/09
Zenica, 10.06.2009. godine

NAČELNIK OPĆINE
Husejin Smajlović

39.

Na osnovu člana 10. tačka 4. Zakona o udruženjima i fondacijama („ Službene novine FBiH”, broj: 45 / 02) i člana 36. tačka 19. Statuta općine Zenica („ Službene novine općine Zenica”, broj: 4 / 08), Načelnik općine Zenica, donosi

ZAKLJUČAK o odobravanju unošenja naziva općine Zenica u naziv udruženja

I.

Udruženju „GORSKA SLUŽBA SPAŠAVANJA - STANICA ZENICA” iz Zenice odobrava se unošenje u naziv udruženja naziva općine „ Zenica”.

II.

Ovaj zaključak stupa na snagu danom donošenja, a objavit će se u „ Službenim novinama općine Zenica”.

Broj: 02-14-7255/09
Zenica, 20. 05. 2009. godine

NAČELNIK OPĆINE
Husejin Smajlović

40.

Na osnovu člana 33. Zakona o Budžetima u Federaciji BiH («Službene novine Federacije BiH» broj 19/06,76/08,5/09) i člana 17. Odluke o izvršavanju Budžeta Općine Zenica za 2009.godinu (Službene novine Općine Zenica» broj 1/09), a na prijedlog Službe za budžet i finansije i Službe za prostorno uređenje, Načelnik općine, donosi

ZAKLJUČAK**O unutrašnjoj preraspodjeli sredstava iz
Budžeta općine Zenica za 2009.godinu u
Razdjelu 15. Služba za prostorno uređenje****III.**

Za realizaciju ovog Zaključka zadužuje se: Služba za budžet i finansije i Služba za prostorno uređenje.

I.

Odobrava se unutrašnja preraspodjela sredstava u Budžetu općine Zenica za 2009. godinu («Službene novine Općine Zenica», broj 1/09) u Razdjelu 15 Služba za prostorno uređenje.

IV.

Ovaj Zaključak stupa na snagu danom donošenja, a objavi će se u «Službenim novinama Općine Zenica».

Broj: 02- 23 -01/09
Zenica, 19.06.2009. godine

II.

Unutrašnja preraspodjela sredstava u Budžetu općine Zenica za 2009.godinu u Službi za prostorno uređenje vrši se na sljedeći način:

Umanjuje se pozicija:

- ekonomski kod 613900-73 Ugovorene usluge-izrada planske dokumentacije =17.500,00 KM

Povećavaju se pozicije:

- ekonomski kod 821200-75 Nabavka građevine-izgradnja sp.obilježja Kameni spavač 17.500.00 KM

NAČELNIK OPĆINE
Husejin Smajlović

BILJEŠKE

SADRŽAJ**VIJEĆE OPĆINE**

Odluka o izmjeni odluke o zadržavanju prava osnivača Ju „Dom-porodica“ u Zenici.....	1
Rješenje o dopuni Rješenja o utvrđivanju novih naziva ulica, bulevara, trgova i mostova.....	1
Rješenje o imenovanju drugostepene komisije za rješavanje po žalbi protiv rješenja u prvostepenom postupku.....	2
Rješenje o razrješenju člana Komisije za izbor i imenovanja.....	2
Rješenje o imenovanju člana Komisije za izbor i imenovanja.....	3
Rješenje o razrješenju člana Komisije za socijalni rad i boračko-invalidsku zaštitu.....	3
Rješenje o imenovanju člana Komisije za socijalni rad i boračko-invalidsku zaštitu.....	3
Rješenje o pretvaranju dijela javne površine u građevinsko zemljište.....	4

NAČELNIK OPĆINE

Naredba o sprovođenju preventivne sistematske deratizacije (proljetna faza) na području općine Zenica.....	5
Rješenje o izmjenama Rješenja o formiranju Komisije za bezbjednost saobraćaja.....	5
Zaključak o odobravanju sredstava iz tekuće budžetske rezerve.....	6
Zaključak o odobravanju unošenja naziva općine Zenica u naziv udruženja.....	6
Zaključak o unutrašnjoj preraspodjeli sredstava iz Budžeta općine Zenica za 2009.godinu u razdjelu 15. Služba za prostorno uređenje.....	7